

# Шунмгъа комсомолец

Элстин автотранспортн баазд комсомолец Гахаев Петр слесарь болдж кӱдлнӱ. Кесг джил хооран Петр Новосибирск балгъсна нег заводт тӱрӱн болдж кӱдлмш эклдж кесмн. Тер цагас ави эндр ӱдр кӱртл шунмгъа кӱдлсн учрар Гахаев кесг дакдж ӱнтӱ белгӱр болн грамотар ачлгдсн.

1955-ч джилин февраль сарла комсомолин. Новосибирск обком, железобетонн конструкц болн детаъь кедг завод тосхлгънд комсомольцнриг дуудсн цагт, Гахаев Петр тӱрӱн болдж ӱӱрмӱдтӱгъӱн тер тосхлтд ирсмн. Завод тосхгдад кӱтрхлӱ Петр эврӱннӱ газр-усн талан гарч ирӱд, 1956-ч джилин ноябрь сарла ода кӱдлджӱх газртан орсмн.

Шунмгъа комсомолец тӱрӱн ӱдрӱсн ави сӱӱнӱр кӱдлӱд, ӱм-


тнӱ нӱӱрт йовна. Ю болв чигн кехлӱрн Петр оньгтагъар кегӱд, цаглань кӱцӱнӱ. Автотранспортн базин ах механик Дмитрий Георгиевич Романенко, Петриг кӱцӱннӱгъу сӱӱнӱр кӱдлдтӱлӱднӱ нӱрн кӱдлмшиг терӱнд даалгъна.

Эн хальмг олн ӱмтнӱ байрбахин ӱдрмӱдт Гахаев, таньгъч тосхлтд чидлӱн ӱрвлл уга кӱдлдж, ӱдрин даалгъвран хойргурв холван давулдж кӱцӱнӱ.

—Мини кеджӱх бичкн кӱдлмш чигн мана таньгъчин тосхлтд немӱр болтха, мана коммунистическ партъ, манд эврӱ келн ӱмтнӱ таньгъч бӱрдӱснд икгидгӱр ханджанав,—гидж Гахаев Петр келв.

Тиим саната ,тиим тоолврта болсар чигн шунмгъа комсомолец ӱмтнӱ нӱӱрт йовна.

БАЛАКАЕВ АЛЕКСЕЙ.



л ЗУРГТ: Элистинск втотранспортн конторин сӱн гисн слесарь комсомолец Петр Гахаев кӱдлджӱх цагнӱ.

А. БАЛАКАЕВИН фото.